

Director Interino Marlon Croes

Aworaki ta concentra riba e di dos fase di Linear Park

ORANJESTAD – Tin dos proyecto grandi cu ta tuman-do laga, pero ainda tin mas pa bin. Ainda mester cuminsa traha riba tres proyecto grandi cu mester bin, cual ta e Green Coridor, e proyecto di scol na Noord, y e ultimo fase di Linear Park. E proyecto di Linear Park ainda no ta completamente cla, unda cu ainda falta algun fase pa termina riba e proyecto. Riba e caminda di Boulevard ainda tin planman cu mester wordo desaroya. E proyecto di Linear Park ta parti den tres fase, cual prome ta Plaza Turismo y e di dos aworaki Arubaanse Wegenbouw Maatschappij ta trahando riba dje. Segun Marlon Croes, Director Interino di Dienst Openbare

Werken (DOW) aworaki nan ta concentra riba e di dos fase di e Linear Park cu ta cuminsa desde Brandweer y ta termina banda di e heki di aeropuerto.

MESTER PAPIA RIBA DESAROYO DI TERENO
E proyecto aki ta cuminsa desde Wilhelmina Park te cu Malmok, unda cu tin un otro pensamiento caminda nan ta bay wak kico ta bay haci cun'e. Segun e Director Interino, esaki ta un plan drastico. Pero e plan aki no ta uno facil pasobra aki ta papija riba desaroyo di tereno, y con ta bay desaroya esaki comercialmente pa e ta aceptabel den e temponan aki. Placa ta wordo hinca den dje y si hinca placa den erfpacht of huur, mester wak kico ta bin bek.

BOULEVARD NO TA COMPLETAMENTE CLA
Riba e caminda di Boulevard dilanti di CMB te cu Sun Plaza a wordo drecha, pero dilanti ex Free Zone ainda esaki no a wordo drecha. Linear Park ta cuminsa for di aeropuerto y ta termina te cu banda di Arashi. Esaki ta significa cu ainda e proyecto di Linear Park no ta completamente cla.

Momento cu DOW a drecha e caminda memey cu ta pasa dilanti CMB, e plan tabata pa pone e polisnan drumi. DOW a dicidi cu lo drecha na mesun momento e acera, segun e director. E ta sigui bisa, cu e acera awo ta forma parti di e proyecto di Linear Park. Esaki lo wordo ehecuta den e siguiente Gobierno pero pa

awo ainda no. E proyecto aki ta costa hopi, pero e ambiente riba waf lo wordo cambia. E ruta probablemente lo mester cambia un tiki, pero mas detaye e director no a duna riba dje. Na e momentonan aki DOW tin un tipo di caminda proyecta na Boulevard, unda cu posiblemente e caminda lo bay mas aden y cu lo por bin mas construccion den e area.

ESTUDIO MESTER WORDO HACI PROME
P'esey full un estudio ta bay bin pa wak con ta hinca tur cos den otro. Croes ta kere ora cu nan tin tur otro proyecto bou control, nan lo sinta hunto pa dedica mas tempo riba esaki pa asina wak con ta bay hinca tur cos di e proyecto aki den otro. □

